

慶雲縣志卷之九

人物志

十室之邑必有忠信賢才之生豈擇地哉李子  
晦端叔諸人炳焉在史策遂名無窮矣繼此而  
行茂於宗事修於官者代不乏人也乃若枯槁  
沈淪或且遁於仁氏之所宗其操行雖不必合  
於正軌要其輕勢利屏紛華以自拔於汚濁有  
足尚者用並著之以風勵末俗云耳志人物

鄉獻

後唐

慶雲縣志

卷九

鄉獻

一

李愚字子瞻渤海無棣人也愚爲人謹重寡言  
好學爲古文滄州節度使盧彥威以愚爲安陵  
主簿丁母憂解去後遊關中劉季述幽昭宗於  
東內愚以書說韓建使圖興復其言甚壯建不  
能用乃去之洛陽舉進士宏詞爲河南府叅軍  
白馬之禍愚復去之山東與李延光相善延光  
以經術事梁末帝爲侍講徵稱薦愚愚由此得  
召久之拜左拾遺崇政院直學士衡王友諒末  
帝兄也梁大臣李振等皆拜之獨愚長揖末帝  
以責愚曰衡王朕拜之卿獨揖可乎愚曰陛下



以家人禮見之則拜宜也臣於王無所私豈宜  
妄有所屈坐言事忤旨罷爲鄧州觀察判官唐  
莊宗滅梁愚朝京師唐諸公卿聞愚學古董之  
拜主客郎中翰林學士魏王繼文伐蜀辟愚都  
統判官蜀道阻險議者以爲宜緩師待變而進  
招詢使郭崇韜以決於愚愚曰王術荒怠亂國  
之政其人厭之乘其倉卒擊其無備其利在速  
不可緩也崇韜以爲然而所至迎降遂以滅蜀  
初軍行至寶雞招討判官陳乂稱疾請留愚厲  
聲曰陳乂見利則進知難則止今大軍涉險入

心易搖正可斬之以徇由是軍中無敢言留者  
明宗卽位累遷兵部侍郎承旨明宗祀天南郊  
愚爲宰相馮道趙鳳草加恩制道鄙其辭罷爲  
太常卿任圖罷相乃拜愚中書侍郎同平章事  
愚爲相不治第宅僦延賓館以居愚有疾明宗  
遣宦官視之見其敗醜徹席四壁蕭然明宗嗟  
嘆命以衣帳物賜之潞王反兵犯京師愍帝夜  
出奔明日愚與馮道至端門聞帝已出而朱宏  
昭馮贇皆已死愚欲至中書候太后進止道曰  
潞王已處處張榜招安今卽至矣何暇候太后



旨邪乃相與出迎廢帝入立罷道出鎮同州以  
劉昫爲相昫性褊急而愚素剛介動輒違戾昫  
與馮道姻家愚素以此誚昫兩人遂相誼詬乃  
俱罷愚守左僕射是時兵革方興天下多事而  
愚爲相欲依古以創理乃請頒唐六典示百司  
使各舉其職州縣貢士作鄉飲酒禮時以其迂  
闊不用愍帝卽位有意於治數召學士問以時  
事而以愚爲迂未嘗有所問清泰二年以疾卒  
五代史  
本傳

宋

李之純字端伯滄州無棣人登進士第熙寧中  
爲度支判官江西轉運副使御史周尹劾廣西  
提點刑獄許彥先受吏金命之純往究其端乃  
起於出婢之口之純以爲蕪俚之言不治彥先  
得免徙成都路轉運使成都歲發官米六千石  
損直與民言者謂惠民損上詔下其議之純曰  
蜀郡人恃此爲生百年奈何一旦奪之事遂已  
秩滿復留凡數歲始還朝神宗勞之曰遐方不  
欲數易大吏使劍外安靖年穀屢豐以彰朝廷  
綏遠之意汝知之乎以爲右司郎中轉太僕卿



元祐初加直龍圖閣知滄州召爲戶部侍郎未  
至改集賢殿修撰河北都轉運使進寶文閣待  
制知瀛州俄以直學士知成都府還爲戶部三  
遷御史中丞建言朝廷事下六部但隨省吏視  
其前後批以制緩急之序是爲胥吏顯處命令  
也若大臣不暇省宜令列曹長貳隨其所承當  
行卽行當止卽止必稟而後決毋拘於文則吏  
不得舞權而下情達矣又言衆賢和於朝則萬  
物和於野燮理陰陽輔相之職問者國論稍虧  
雍睦語言播傳動係觀望不可以不謹董敦逸

黃慶基論蘇軾託詞命以毀先帝蘇轍以名器  
私所親皆以監司罷之純疏其誣罔乃更黜之  
以疾改工部尚書紹聖中劉拯劾其阿附轍出  
知單州年七十五從弟之儀

宋史本傳

李之儀字端叔登第幾三十年乃從蘇軾於定  
州幕府歷樞密院編修官通判原州元符中監  
內香藥庫御史石豫言其嘗從蘇軾辟不可以  
任京官詔勒停徽宗初提舉河東常平坐爲范  
純仁遺表作行狀編管太平遂居姑熟久之徙  
唐州終朝請大夫之儀能爲文尤工尺牘軾



大刀筆三昧 宋史本傳

明

甄實字德輝洪武癸酉歲舉任汝寧府同知歷官陝西四川布政使時天下初定人心未安實撫之以仁興學教民農桑理冤抑清操自勵衣不重帛食不重味整飭戎行適巨寇起實剗除之民賴以安居川十六年以平苗功賜劍玉加南京兵部尚書其除四川左布政誥畧曰才足以匡時謀足以經遠入仕以來多著勞烈而汝寧別駕尤有本幹之聲嘗修邑志具有史材祀

慶雲縣志

卷九

鄉賢

五

鄉賢

趙思本字宗源洪武間歲貢任東安知縣勸課農桑優濟貧乏民至今思之

胡欽字敬夫永樂丁酉鄉舉任建安知縣時巨寇鄧茂七據竹查山聚眾作亂官兵擊之不克欽使人密諭賊曰汝等皆良民為賊耳大兵且至悔之無及能投順赦其罪仍免役一年賊聞之多感泣降者五百騎欽請於都御史張楷復為良民賊首大懼復招集亡命二萬餘入圍建安索欽甚急時兵部尚書金濂領兵大監王



總兵官寧陽侯陳懋在石門山不戰而退乃召  
欽曰賊意索君奈何欽曰既爲臣子焉敢惜死  
遂召精兵一千戰顧其子灝曰宅內有井可  
子母守之不勝則投井死軍士聞之皆流涕欽  
率衆出城力戰賊衆却欽乘勢繼擊迺都督劉  
得新兵至陳懋亦督衆出交擊賊斬首級數百  
茂七中流矢死金濂大喜函茂七首奏聞賜緞  
綳銀壹金爵擢延平府知府時正統十四年二  
月也尋擢陝西叅政與都御史馬中錫共修邊  
備有功歷遷四川山西左布政使清譽著聞其

慶雲縣志

卷九

鄉獻

六

降寇一人尤稱之詳載平寇傳祀鄉賢

張希達字周卿成化庚子經魁任肥城知縣監  
察御史奏其治已恤民政行化理歸田後能表  
正鄉間修葺縣志文學政事兼而有之

張偉正德癸酉鄉舉在襄陵知縣歷官戶部員  
外郎山西按察司僉事興利剔弊所在有聲

張問之字子審嘉靖癸未進士初授行人轉司  
副嘗上疏諫議章聖皇太后尊號見明倫大典  
愿工部員外遷郎中奉命督造蘇州府花廳工  
料廉以律已嚴以緝下工成遷陳燒造艱辛繪



爲圖畫貼說以進上嘉之增定縣志舊長石表  
爲立德政碑見崑山盧樾記後督建九廟皆有  
懋績蒙恩資賞擢湖廣叅議閩三載轉四川按  
察司副使整飭威茂等處簡練土馬支撥環墩  
斬龍洞諸羌數百級撫按移檄燕凱疏奏賜金  
帛以旌其功告歸年四十八

陳光大號忍菴襟懷坦蕩無疾言遠色而遇事  
明決動中機宜釋褐授河內祥符縣判簿能於  
其職五載轉東平州判官監司廉其賢委署汶  
上陽穀郵曹諸縣興利革弊有惠政及民隨例

慶雲縣志

卷九

鄉獻

七

遷慶府審理浩然挂冠年七十五卒

楊粹夫號月川平居動必以禮甘澁泊耻亦  
足不履公門口不設官事造就多士半於鄉校  
爲玉田訓導以文行風勵諸生士風丕振卒於  
官門人私謚靖節先生太子少保張問遠爲之  
立傳有慶雲八景詩

宗維章字錦衷忠朴純篤以詩書自娛授定興  
訓導七日而裁遂絕意仕進閉戶十餘年足跡  
未嘗履街市邑人重之



然絕粹不爲崖異絕俗之行然氣和體莊持論  
凜然而不可犯至經理世務裁決危疑當機因  
應意豁如也歷任永平棗強學博其教士以德  
行爲先文章期於實用直指薦曰才猷周練而  
有清操之守雅堪民社公見明末時事漸非於  
急流中勇退康年告休在林下二十餘年成說  
後學半於泮辟八十餘終邑人稱爲抱道先生  
仰若泰山北斗云舉鄉飲賓子祚熙歲貢

國朝

胡璜字宸琮教諭時行子性孝友諫恭誠篤捉

學御史以德行獎之任襄陵縣丞署絳州事及  
解組貧不能歸士民咸資送之至里環堵蕭然  
不以介意舉鄉飲賓學者稱爲冲德先生

崔養重字莊伯號鹿門敦厚剛毅有大器釋褐  
知密縣中州之亂自明季不設官已十餘年抵  
任城署殘毀邑父老請以砦爲縣治養重曰吾  
奉

命令茲邑城郭不可棄也乃草創而居之招集流亡  
與民更始三年而密大治民爲建生祠立德  
八見孟津王鐸記撫按薦疏畧曰易龍爲縣



盜爲良有爲有守卧理有餘又曰才優方圓並  
盡操潔冰玉同清遷鞏昌府在浪衛同知時值  
回轡養重飭邊備轉糧餉兩月而賊平防戍斥  
堠悉心經理經年方定又闕歲解組歸軍民繪  
圖送之見涇陽李念慈詩臨胸馮士標贈別敘  
家居二十餘年閉門教子服食居處一如寒士  
舉鄉飲賓率年七十有三

劉夢緝宰爲州以知縣知華亭陞直隸潁州知  
州居官廉平多善政民爲揭南稱清風四字頌  
之暨修海墘勳於其職罷官後囊橐蕭然一如

其未仕時稱清自吏爲



忠節

國朝

李尙賢邑人順治間土寇圍城尙賢突圍出赴  
鹽山求援道遇賊被執給曰我能開門納衆賊  
信之隨至城下尙賢大聲語城上人曰奉使無  
狀爲賊所執今死矣賊單弱諸君幸堅守無慮  
也賊怒殺之

張三成邑人順治五年寇變賊逼攻城三成以  
大義責之賊怒攻益急被執談笑受刃顏色不  
變

慶雲縣志

卷九

忠節

十

劉揮形體魁梧勇敢有大志嘗謁武穆祠仰視  
曰可人可人乾隆癸丑登武進士任甘州守備  
時教匪流入陝甘

朝廷命經畧勦滅揮自請隸大軍捕賊屢有斬獲護  
理遊擊嘉慶三年春戰於鞏昌什川鎮盤龍山  
遇害

詔賜祭葬廕一子劉繼忠給與雲騎尉世職二次恩  
騎尉世襲罔替祀昭忠祠



孝友

唐

徐文亮數世同居旌表門閭

唐書孝友傳序

明

孟虎孝友忠信推重鄉閭年百歲尙康健淄川高捷巡按河間聞之令縣以安車送至府賜坐虎堅辭捷嘉其知禮問元明間事言之甚悉加壽官賜銀十二兩檄本縣每年給穀二十石養老又八年至成化初年一百八歲終

胡時祥字季卿生而英毅家貧力學讀書恒達

慶雲縣志

卷九

孝友

十一

旦文高邁見者偉之居父喪哀毀骨立乙卯領鄉薦欲就職養母會魏璫亂政母曰尹母有言吾知汝以善養不知汝以祿養也遂止母病躬侍湯藥數年如一日疾革禱於神請以身代及卒葬祭盡禮晚年杜門課子不事干謁同榜居台垣負重望者思識其面不可得張中丞潑以第一流人物目之

胡蕃字翼明邑廩生性孝友少失怙事母曲盡孝養兄弟同居家貧所得廩餼毫不自私盡付於弟以供母甘旨鄉閭重之



劉其醇字凝白自幼嗜學其行誼無不  
以敬接之性最孝母張病向空祈禱減算益神  
及卒踴踊長號絕而復甦父沒亦如之提學鄉  
史獎其孝終邑庠廩生祀忠孝祠

馬世琦字寰珍邑廩生剛毅有操守與人無忤  
其中寬而有制和而不流性孝友幼失恃事父  
孝養曲至及卒殯葬皆循古禮奉繼母朱同於  
所生子孕秀授州同

國朝

丁重新家貧力耕養親母卒負土築墳泣血三

慶雲縣志

卷九

孝友

三

年不茹葷飲酒知縣胡一蛟表其門

陳森字如干諸生學問淵博工楷隸父患瘡甚  
危森奉湯藥四十餘晝夜未嘗安枕後森避危  
疾夢神予以藥類樹根中有白汁教以鼻嗅其  
氣次日疾果瘥父沒哀毀骨立居喪悉能如禮  
喪過母喪三年內屏子孫僮僕獨居柩側服闋  
經歲謂其子曰汝祖母柩移予心轉覺無所依  
矣人咸稱爲孝子與鄉飲賓筵

翼生才年十八失怙奉養孀母不忍一日離及  
廿年孀病篤焚香額天願報已事亦其念也



令聞之表其門日行同躍鯉

馮經世字抒平賦性淡泊樂善好施少失怙事母備極色養母病焚香默祝願減已壽以益母邑令欽其德舉鄉飲介賓旌其門日德重鄉評劉元宰字襄哉號拙菴早孤事母孝年十三值兵變有人自城上擠之下竟無恙爲父卜葬地且行且泣道路爲之感動遇忌日思慕涕泣雖老年不輟兩與鄉飲子孫同堂五世卒年九十有九鄉謚恭毅先生

展雲縣志

卷九

孝友

七

義制事小心就武科有儒雅風母病禱於神願以身代後以親老不樂仕進舉鄉飲賓壽九十  
二終

顧齋字提顯少失恃父教甚嚴委曲承順卒得  
心父沒後析箸田宅器用任弟自取絕不相  
較更有爲不善者相戒爲柙所知好讀書學問  
尤工書法年八十餘以明經終

馬煌字子光性至孝母病侍湯藥三年不怠母  
亡哀禮兼盡卒哭後侍父起居服闋終不忍離  
室始復寢里黨自於官邑令曹人新表其



門日可格天心雍正七年與鄉飲酒禮

慶雲縣志

卷九

孝友

四



義行

明

馬汝淮字誠菴樂施予歲七月霜殺禾淮出蕎麥數石盡播於地或止之日以時計之必不能熟留此麥可活數人淮曰活數人不若活數家也及麥長數寸支釜於野刈苗煮之曝乾收貯明年春大饑鄉鄰乏食者與糠一斗麥一筐支給三月餘賴以全活者甚衆鄉人義之

王世化字風寰諸生好義樂施己卯之難掩暴骨數百鄉人義之子任韓拔貢任歐及孫烱燦並諸生人云埋齒之報

慶雲縣志

卷九

義行

五

國朝

邳煜字含黎天資曠逸自弱冠選拔甘恬退事親竭孝養博聞強記設論古今娓娓不倦樂周濟明末兵變掩暴骨數百人晚年施醫藥以南華自娛子國賓授縣丞

李華白字含芳幼失恃弱冠補博士弟子事繼母陳至孝異母弟性放曠至破產華自舉厚貲畀之無少吝親串牝未授室爲之娶友人病爲求醫近村貧而失學者飲食教誨之曾孫長興



大昌俱領鄉薦咸謂厚之

胡時雍字際唐歲貢以德行著偶拾遺金五十兩於縣署前意必借租吏所失待之良久失者至舉以還之感泣而去平生善行類如此

崔璉字商玉邑諸生家素封尙義好施於兩津南岸施腴田五畝爲義塚康熙十二年山左大饑貧民流離道路幾不能生璉出粟二百石濟之里黨中有貧不能葬者嘗助以棺寒無衣者惠以衣被義舉累累人皆頌之

劉鈞字顯吾家漸裕慷慨好義鄰有貧鬻墓地

者予值而還其券如是者再遇盜其樹者避之其善行多類此里人或喪不能葬日不舉火多蒙其惠咸稱善人以孫允桂貴贈武功大夫



文學

明

楊州鶴字友松粹夫子任天長縣知縣持正不阿人勿敢犯體恤民隱如慈母愛子能文章所著有天長志八卷慶雲志十卷

問可教字步聖廩生性體端凝學問淵粹端坐竟日無惰容動容周旋弗失矩度日以講學爲事不治家人生產吟咏一室四壁寥落意淡如也學以理性爲宗未竟其志而卒人咸惜之

李仕字離潛樂道安貧胸次灑然無所累偃仰

慶雲縣志

卷九

文學

十七

自如有非富貴貧賤所能移者談論名理玉屑霏霏莫能窺其涯際卽平素傲慢者亦莫不肅然敬之終邑庠廩生

國朝

陳士雅字彥伯究心理學不以夷險易操朝夕必使人頌誦克己復禮以自警詩宗唐人草書得旭素之體

崔允貞字介石號訥菴性耿介學問淵博康熙初重修邑志實出其手

陳良翰字季宣幼穎悟一目十行工詩古文辭



制義就有明大家之範小試輒冠軍以拔貢終人咸爲未盡其才云

劉敏字子遜十歲工草書名聞都下 溫郡王極賞之欲薦於

朝力辭乃止嘗自奮曰人生不讀破萬卷徒拈毫濡墨終屬偏技耳閉戶僧舍十餘年學大成教後進多所造就慶邑不發科者幾六十載自是先後登科第者盡出其門一時稱盛敏見義必爲邑大水赴郡省告饑奔走道路卒邀蠲賑邑人誦之

胡淳字厚菴一字葛民性踈曠不飾邊幅鍵戶讀書積十餘年而成進士舉業宗先正力掃浮靡之習鄰邑爭延致之及門多登高第謁選得蒙自縣令未赴任而卒



武功

宋

張凝滄州無棣人少倜儻武力自任與鄉人角勝負約築土百步射之凝一發洞過矢激十許步抵大樹而止觀者歎服節帥張美壯之太宗居藩聞其名以隸親衛卽位補殿前指揮使稍遷散員都虞候淳化初以材幹授洛苑使領繡州刺史賜襲衣金帶每頒賚必異等出爲天雄駐泊都監移貝州改高陽關行營鈐轄真宗加莊宅使遷北作坊使咸平初與契丹戰挺身陷

敵子昭遠年十六單騎疾呼突入陣中挾凝以出左右披靡不敢動明年遼兵大至凝與范廷召分據莫州東斷其歸路敵宵遁縱兵擊奪盡還所掠資口徙鎮定高陽關前陣鈐轄遷趙州刺史四年召還爲邠寧環慶靈州路副部署兼安撫使時斥堠數擾運使劉綜懼飛輓不給開計於凝凝曰今當深入因敵資糧不足慮也乃自白豹鎮率兵入敵境生擒賊將燒蕩三百餘帳取芻糧八萬斛斬首五千餘獲牛馬器甲二萬降九百餘人因襲破慶州蕃族胡家門等又



八州原分水嶺柔遠鎮熟與生羌錯居  
誘脅疑引兵降峇梭等百七十餘族合四千  
邊境獲安就加寧州團練使景德初遷本州防  
禦使代楊嗣爲定州路行營副部署徙保州  
泊兼北面安撫使時總帥王超以大兵頓中山  
議擇疑與魏能田敏楊延昭分握精騎深入幽  
易以牽敵勢超請悉隸所部上不許曰朝廷本  
設奇兵撓敵心腹若復取裁大將無以責效魏  
能逗撓不前衆憤皆責讓能疑獨無言徐曰能  
靡材剛愎可優容之若令心不自安非計也上

嘉其有識車駕幸澶淵疑率衆抵易州爲緣邊  
安撫使提兵躡契丹後敵不敢肆復改高陽關  
部署明年就加殿前都虞候卒疑忠勇自負好  
功名累任西北善訓士卒繕完器械前後賞賜  
多以犒師京師無居第上悼惜之贈彰德軍節  
度遣中使護喪官給葬事厚卹其家

張昭遠字持正滄州無棣人父疑殿前都虞候  
寧州防禦使契丹內寇疑與康保裔伏兵瀛州  
陷圍中昭遠年十六挺身掖出之擢左班殿直  
寄班祇候每出使還奏利害多稱旨爲忻州都



巡檢改閤門祇候知狄山軍管勾河東緣邊安撫司再遷內殿崇班天禧初閤門副使缺員樞密院方奏擬入真宗曰朕有人矣張昭遠知邊畧曹儀習朝儀可並除西上閤門副使俄爲河北緣邊安撫副使尋知瀛州改東上閤門副使知定州以引進副使復知瀛州遷西上閤門使知雄州獻言歲會四榷場入中銀帝謂輔臣曰先朝置榷場所以通貨非所以計貿易之利也會大雨陂塘大溢昭遠勒兵築長壘以捍其衝徙鄆延路兵馬鈐轄進都鈐轄築堡成平川領

忠州刺史知成德軍遷四方館使源沱河夾壘城郭乃修五關城外環以堤民至今爲利權搯日天武四廂都指揮使新州防禦使歷步軍馬軍都虞候嘉州防禦使知代州召遷改莫州防禦使罷管軍授左龍武軍大將軍昭州防禦使卒特贈應州觀察使

元

齊秉節字子度父珪從嚴實攻歸德州有功授無棣縣尹攝征行千戶後兼總管鎮棗陽以守城功真授千戶至元三年告老舉秉節自代



節魁偉沈毅涉獵書史稍知兵法襲父爵仍  
聚陽五年從伐宋築新城自河口築鹿門山界  
地鄧州大洪山黃仙洞數著戰功七年陞上千  
戶權萬戶十一年從丞相伯顏至鄧盪舟由陸  
入江攻武磯堡擒宋將閻都統十二年國兵敗  
宋賈似道孫虎臣舟師于丁家洲命秉節屯建  
康與宋將趙淮戰于西離山追至深陽自辰及  
午宋軍乃退遷武義將軍從定太平安慶諸郡  
與宋將張吞議戰于崑山殺之十四年授宣武  
將軍管軍總管時黃州復叛令秉節往討斬余  
之擒福一餘黨悉平二十五年陞廣威將軍  
總轄于陣十七年授明威將軍二十三年移鎮  
饒州安仁劇賊蔡福一叛秉節與有司會兵討  
之擒福一餘黨悉平二十五年陞廣威將軍  
賜副萬戶二十八年卒年六十二子英襲  
按元史本傳爲蒲臺人而舊志稱齊秉節墓  
在延陵在明初有碑或因父尹無棣寄居  
于此遂卜葬與且自前明已祀鄉賢諒有所  
據姑存之以俟考

明

以康史爲山東顏神鎮巡檢地各游平



好鬪而健訟應時備之以法作懲刁圖置有德  
望數人爲保正分籍四民日考其業惡風以息  
懲惡少葺孝婦祠設守塚弓兵以禁發掘其善  
政多類此正德十四年春土賊王臯王相等作  
亂衆至數千山左騷動應時焚香誓衆密授方  
畧出其不備一鼓擒之餘孽匿山中分兵窮搜  
賊悉平民爲建生祠太常卿張袞爲立傳比之  
許樂陵云

國朝

陳喜號滌海體貌雄偉倜儻饒幹畧

國初以武生授天津道標中軍遷薊屯營遊擊

豫王出征潼關以爲前鋒奏凱賜戰馬白金以  
旌其功總鎮孔希資奏隸本營時巨寇四起喜  
悉平之分守歸德巨寇李化鯨僭號河北時本  
營兵調征歸陽化鯨窺河南甚急喜以我兵雖  
寡素爲賊所憚斷不取直攻必潛師上流襲我  
之後以大衆扼其前乃設伏因半渡水陸夾擊  
之賊衆遂潰撫軍吳景道題叙其功爲全豫所  
賴轉涿州叅將數擒劫寇道路獲安經畧洪承  
疇出帥江南題請隨征時賊衆十餘萬攻常德



諸將各有汛地喜獨以僻地爲憂嚴陣以待賊  
果抄道來攻知其有備乃遁洪帥獎爲知兵叙  
題戰功

錫袍帽弓刀以副總兵協鎮金華撲滅寇亂發境以  
寧時海氛狃狃奉檄援勦躬擐甲請晝夜數十  
戰積勞以卒喜善撫士卒恩威並著自弱冠履  
行間屢立奇勲卒年四十五子大雅授州判  
胡瑋字元明順治乙未武進士任曹州守備  
署叅將事撫士卒嚴而有恩捕緝寇盜荏苒屏  
跡民恃以安繼十年遷大城掌印守備軍民攀

轅江送者數百人城地瘠多私販鹽徒捕則  
爲盜瑋築臺設伏制其要害宵小遠遁地方以  
寧瑋賦性仁厚遇物以誠嗜翰墨工八分書河  
南周亮工壘之稱曰儒將以老乞歸非公不入  
城市人服其德云

陳延桂字雲芳由武舉爲閩省陸路千總見知  
於制府郝公陞督標守備時興化福清竈丁散  
亂團鹽勾引梟徒爲變奉檄勦撫衆皆斂迹後  
署台灣叅將兵役相殿有司瞻顧致兵丁蜂圍  
巡台使署延桂挺身出關陳利害散其脇從取



宋州與之法歷官至右江南陽總兵官以疾卒

著聞

風雲

卷九

武

重



隱逸

明

崔陟崑字望山訓導儀孫清正孤介有祖風家  
貧力田嗜學出則負耒入則橫經凡古今事變  
涉覽無遺淹貫博洽與人談論答對如流卽名  
宿莫能難也田園自樂忘懷聲利年七十三歲  
終

國朝

陳良弼字夢築博學能文性情澁一試京兆不  
第遂絕意進取中年喪偶不再娶以明經授內

慶雲縣志

卷九

隱逸

七

邱訓導不就有手書詩稿藏於家



方外

唐

陳元英父光蕊登進士階無保渡津被

水賊劉洪害英在襁褓母殷氏倉卒間以木匣

貯之置於河中流分水鎮西河埔金山寺僧人

驚啟視之有字一行在衣襟知其本處丐河南

歸康母乳之稱海流和尚貞觀十三年奉勅取

經天竺賜號三藏法師郭外農設

明

洪秀號天竺僧住天宮寺戒律精嚴兼工吟詠

慶雲縣志

卷九

方外

七

名流爭賞之有句云蒲團靜坐千山月竹戶間

棲一片雲

壽平為洪秀再傳弟子貌奇異目如指指痕人

稱小眼法師博覽釋典悟參上乘與都御史鄒

元標為方外交

呂道士號蓮峯年百餘歲步履如飛訪北村張

永部問之不遇題詩於東嶽廟壁云一別北村

經幾年桑田成海海成田浮雲世事翻新故流

水韶華趨後先一帶好山荒樹外數聲啼鳥落

花前我來訪舊渾無識大半人非更可憐



手竟生少孤安處危得不死爲黃冠志節自勵  
人共信之邑令金士仁聞其賢以爲道者有節  
雖存心濟物而清苦如故晚年歲知縣附年八  
十六無病而終



寓賢

明

鄒元標字爾瞻別號義翁吉水人萬曆初進士  
歷官左都御史加太子太保犯顏敢諫羣邪側  
目被謫時寓天宮寺與高僧壽平爲方外之會  
於殿壁題三教歸一說筆勢飛舞人皆慕而臨  
之至今翰墨如新說曰有謂佛日也道月也儒  
星也此倒置而分言也詎知星法月月法日日  
法一夫道一而已矣分二可乎蓋道之大源出  
於天吾夫子固天縱之將聖則萬衆異數而同  
體矣故夫子自道曰予一以貫之



人物補遺

王祚熙字屆雍魏子生而孝謹恪遵庭訓言動合禮有乃父風以明經司訓廣平善教多士及歸祖帳郊外含淚送之家居訓後進多所成就年八十五卒

鄧鏞字公遴諸生嗜學能文從五公山人王餘佑遊善楷書所著有古香齋集失傳

宗衡字半五由文生中武舉康熙間邑多水災嘗與劉敏備資斧赴郡請賑時論義之

解忻字煥若性好學手不釋書延名宿於家里

黨就學者多蒙其獎勵由鄉薦署正陽令有母訴其子忤逆者必欲置之死忻以至情語勸而懲之後皆感化從善罷官後猶披吟忘倦云

張鶴字鳴皋性至孝親病籲天乞代喪葬如禮事繼母無異所生好學尤究心四書講義以副貢爲新安教諭勤於課士家居二十餘年不入城市年九十六歲終

王發祥字其長方以持己和以接人里黨重之博學工屬文以鄉舉爲萬全教諭稍遷保安州學正善教士子歸里後授生徒多所成就嘗



採經傳刻童子必讀書

胡惺字敬思號存齋性醇謹好施予不報非禮使人自愧嗜學工文從遊多所成就以鄉舉任寧古塔學正數年文風漸興遂有登第者去官時諸生泣送之

劉泰字宗嶽知州夢楫子家故貧事母曲盡孝養性敦潔不妄發一語不濫交一人終日危坐無惰容見者敬之讀書不與他事年五十八舉於鄉

欽賜國子監學正晚號迂叟自著迂叟傳仲子廣恕

慶雲縣志

卷九

補遺

三

官至員外郎

劉煦字曦若號魯齋性友于器識濶遠力持正論幼穎悟年十六補博士弟子尋中副車嗣用八家體爲時文成進士由順天教授遷昌邑知縣葺書院築廢堤士民多蒙其惠解組後教授鄉里從遊甚衆論文以清空爲宗善行書作墨蘭有逸致卒年七十有五

